

AD PATRES ET FRATRES  
sui ordinis Auctor.

**L**apsam iam triennio optimi pa-  
tres dedimus Typis, conceden-  
te Deo, Sexcentos & eo ampli-  
us Scriptura sacra locos, qui  
prima facie inter sese pugnare  
videbantur, si quis carnalibus tantum oculis,  
& rationis iudicio eminus aspiceret. Eos autem  
conciliaui bona fide, & quantum potui diligen-  
tissime, iuxta modulum accepti cœlitus. Quod si  
nō ubiq; tāto opere satisfecerim, oēm tamen ope-  
ram nauauī, vt saltem rudioribus sacrarum li-  
terarum, & non satis exercitatis lectoribus in-  
dicarem scripturam pugnare minimē, sed ubiq;  
prosus sibi similem consentientem, firmam, mo-  
do adsit spiritalis & catholicus lector, cum iudi-  
cio legens & discernens vniuersa. Nam si cere-  
monias Iudæorum cū nostris, quibus sub Chri-  
stianismo volentes vtimur componere, quid fa-  
ciemus ex scriptura, nisi perpetuum chaos? Di-  
stinguenda enim sunt tēpora, habenda ratio po-  
puli, personarum, locorum, deinde separanda est  
figura à figurato, lex ab Euangelio, umbra à  
veritate. Sub lege enim omnia in figura conti-  
gerunt, & lex quoq; futurorū est umbra. Mul-